



25.XI-10.XII

*nasilje u porodici je krivično djelo!
svaka situacija ima izlaz!*

16 dana aktivizma protiv nasilja nad ženama

GLOBALNA KAMPANJA 16 DANA AKTIVIZMA PROTIV NASILJA NA OSNOVU RODA I/ILI SPOLA

16 dana aktivizma protiv nasilja na osnovu roda i/ili spola, je globalna kampanja koja se provodi od 1991. godine kako bi se ukazalo na različite oblike kršenja ženskih ljudskih prava u cijelom svijetu, sa posebnom akcentom na nasilje koje se vrši nad ženama i djecom, kao jednom od najtežih i najprisutnijih načina kršenja ljudskih prava.

Od 1991. godine preko 2000 organizacija iz 137 zemalja svijeta obilježava ovu akciju. Kampanja je trajala u periodu od **25. novembra do 10. decembra 2008. godine**. Učesnice kampanje su izabrale ove datume trajanja Kampanje kako je 25. novembar međunarodni dana borbe protiv nasilja nad ženama, a 10. decembar međunarodni dana ljudskih prava, kako bi simbolično povezale nasilje na osnovu roda i ljudska prava.

Udruženje Žene Ženama u saradnji sa drugim ženskim nevladinim organizacijama, uz podršku Kvinna Till Kvinna sa sjedištem u Švedskoj, i ove godine je svojim akcijama podržalo Kampanju.

Još od 1997. godine Udruženje Žene Ženama se priključilo kampanji "16 dana aktivizma protiv nasilja nad ženama", a od 2001. godine u saradnji sa ženskim nevladinim organizacijama organizuje kampanju u 20 gradova Bosne i Hercegovine.

Ovogodišnja kampanja nosila je naziv **«Zahtijevamo Implementaciju, Otklonite prepreke: Zaustavite nasilje nad ženama i djevojčicama!»** a počela je 25. novembra javnim predstavljanjem kalendara aktivnosti u Tuzli, Sarajevu, Banja Luci, Jajcu, Bihaću, Zenici i drugim gradovima.

Kao dio aktivizma Udruženje Žene Ženama je organizovalo sljedeće aktivnosti:

Ulična akcija

Na međunarodni dan borbe protiv nasilja nad ženama, 25.11.2008. godine, provedena je Ulična akcija s ciljem podizanja svijesti javnosti o nasilju na osnovu spola i/ili roda. Centralna akcija je održana na trgu Fra Grge Martića ispred Katedrale u Sarajevu i imala je dobar odziv, te bi je ocijenili kao veoma uspješnu. Uposlenice i volonterke Udruženja Žene Ženama su podijelile 1000 letaka građanima, a letci osim na centralnoj akciji distribuirani su na različitim lokacijama u Sarajevu.

Anketiranje

Provedene su sljedeće ankete: «Ankete o nasilju u adolescentskim vezama» i «Anketa o seksualnom uznemiravanju». Ankete su bile anonimne, te prilagođene uzrastu u okviru kojeg je vršeno ispitivanje. Ukupno je anketirano 100 ispitanika, a anketiranje je obavljeno u Srednjoj Elektrotehničkoj školi, među studentskom populacijom Fakulteta Političkih Nauka, i u Srednjoj Tekstilnoj Školi 04. decembra, zatim u Srednjoj Saobraćajnoj Školi 07. decembra, i u Poljoprivredno-veterinarskoj Školi 08. decembra 2008. godine. Rezultati analize ankete «Ankete o nasilju u adolescentskim vezama» pokazali su da većina ispitanika (70%) na sopstvenom iskustvu smatra da je nasilje u vezama mladih ozbiljan problem.

Pekinska deklaracija i Platforma za akciju:

"Platformom za akciju se reafirmiše da su sva ljudska prava- građanska, kulturna, ekonomska, politička i društvena, uključujući pravo na razvoj- univerzalna, neodvojiva, međusobno ovisna i povezana, kao što je izraženo u Bečkoj deklaraciji i akcionom programu usvojenom na Svjetskoj konferenciji o ljudskim pravima. Konferencija je reafirmisala da su ljudska prava žena i ženske djece neodvojiv, sastavni i neotuđiv dio univerzalnih ljudskih prava. Puno i ravnopravno uživanje svih ljudskih prava i osnovnih sloboda od strane žena i ženske djece je prioritet Vlada i Ujedinjenih nacija i od osnovne je važnosti za napredak žena."



25.XI-10.XII

*nasilje u porodici je krivično djelo!
svaka situacija ima izlaz!*

16 dana aktivizma protiv nasilja nad ženama

Procentualno 25% da se oko toga ne bi trebalo previše diskutovati, dok 5% misli da nasilje u vezama mladih uopšte nepostoji kod nas. Kada je riječ o drugoj anketi «Anketa o seksualnom uznemiravanju» ispitanici smatraju da se u posljednje dvije godine oblici zloupotrebe dešavaju češće nego ranije. Smatraju da su najčešći oblici zloupotrebe: seksualno uznemiravanje 70% , iskorištavanje seksualnosti osobe 65% ili ucjena 50%, a da je seksualno uznemiravanje u slučaju kada je osoba u izmjenjenom stanju svijesti naj rijede.

Radionice

Udruženje Žene Ženama i Stela Istočno Sarajevo organizovali su tri radionice na temu «Seksualno uznemiravanje/nasilje u srednjoj školi», koje. Radionicama je ukupno prisustvovalo 60 učesnika, a održane su u Srednjoj školi 28 juni-Istočno Sarajevo 06. decembra, i na Elektro-tehničkom fakultetu, Istočno Sarajevo 09. decembra 2008. godine. Planirano vrijeme proteklo je u prijatnoj atmosferi, a saradnja između voditelja aktivnosti i učesnika bila je jako dobra, prilikom koje su razmjenjena iskustava i ideje. U okviru radionice su održane su četiri vježbe. Učesnici su bili zadovoljni izborom teme, učestvovali su kao pojedinci ali i kao grupa, te su naglasili kako su ostvarena očekivanja. Predložili su da se ista radionica realizira i sa profesorima i drugim razredima, jer smatraju da i odrasli nemaju dovoljno informacije i znanja o ovoj temi. Nisu imali priliku razgovarati o seksualnom nasilju ranije jer kako sami kažu vrlo je teško o tome govoriti javno zbog još uvijek konzervativnog društva. Smatraju da nedostaje jasnija komunikacija i bolja informisanost o osnovnim elementima seksualnog zlostavljanja.

Tribina

Posljednjeg dana Globalne kampanje 16. dana aktivizma, na međunarodni dan ljudskih prava, 10. decembra 2008. godine Udruženje Žene Ženama i Naša Budućnost , uz podršku Agencije za ravnopravnost polova Bosne i Hercegovine i Kvinne till Kvinne Švedska, organizovalo je tribinu pod nazivom : **Reagujmo dok nije kasno.** Tribina je organizovana u okviru kontinuiranog projekta Udruženja Žene Ženama pod nazivom «Žene i Ženske organizacije u BiH» koji se implementira od 1998. godine, a cilj mu je osnažiti položaj žena i podići nivo poštovanja ženskih ljudskih prava. Na tribini je prisustvovalo veliki broj učesnika koji su bili veoma aktivni te su razmijenjena iskustva i znanja iz lokalnog konteksta. Prezentiran je Međunarodni i nacionalni pravni okvir za prevenciju nasilja, nakon čega je i diskutovano o njemu iz perspektive BiH konteksta, te dogovarano uspostavljanje lokalne platforme za prevenciju nasilja, metodama rada i narednim koracima.

Pekinska deklaracija i Platforma za akciju:

"Platformom za akciju se reafirmiše da su sva ljudska prava- građanska, kulturna, ekonomska, politička i društvena, uključujući pravo na razvoj- univerzalna, neodvojiva, međusobno ovisna i povezana, kao što je izraženo u Bečkoj deklaraciji i akcionom programu usvojenom na Svjetskoj konferenciji o ljudskim pravima. Konferencija je reafirmisala da su ljudska prava žena i ženske djece neodvojiv, sastavni i neotuđiv dio univerzalnih ljudskih prava. Puno i ravnopravno uživanje svih ljudskih prava i osnovnih sloboda od strane žena i ženske djece je prioritet Vlada i Ujedinjenih nacija i od osnovne je važnosti za napredak žena."